

En vôt tus, chéres dgens di coénat des Bâmes, chérs aimis di Jura,

So daivô in metirou piaîji qu’i fais ci, è Dg’nève, po l’premier cô, en lai d’mande di réchponcaibye de Préenbulle, vote sociétai d’coénat, in dichcoué en patois, lai laindyé d’nôs aivioles.

I aî daivu aippore le laitîn, pe l’véye grac, qu’en dit qu’ç’o l’bré d’not tiulture, d’vaint qu’i n’comprenieuche lai valou d’lai vrâ laindyé d’mon payis. C’ât que ç’té laindyé ai daivu t’ny bon dains l’temps

E feut défendu tchie nôs q’ment qu’dains brâment d’ôtres yues d’Europe, de djâsaie en patois, sin soli en étai grand moinai.

Aiprés lai d’riere dyierre mondiâl, mai dgeurnôchion n’feut pus éjèrchie en ci laindyaidge, sâf d’l’ôyi djâsaie poi ses parents obï poi son entoéraidge.

Les seignes mots qu’afaint, i aî prononchie

étint : »Poétchèz –vos bîn !* en mon frutie que y’niait

encoé daivô son tchvâ pe pus taîd daivô son fourgu’nat

ivraie laicé.

E ô, nôs aivins d’j’ègne « le shop » ! no n’ai ran inventé ! Pe l’frutie sôriait, ç’qu’m’encoraidgeait ;i étôt fier d’mon djâsaidge.

Mains, ça grâce en lai d'mainde de « Préenbulle », **qui aî pojitiv'ment réponju**, saitchant qu'le traivaiye s'rait innorme, **po aîye ces quéques'heûjoués d'fête**, dqu'i aî adjd'heûlai câje **d'éjerchie ci laindyaidge**.

L'préjideint en Voiyin de raicodje di patois **d'lai Jurasssienne Sochiète d'l'Emulâchion**),
Ci Jean-Marie Moine é trâdut mon tètche di frainçais en patois. Po les pus véyies des meimbres d'l'Emulâchion **m'int aidye** po qu'i jaseuche dai droit.

Dâli, I aî poyu r'déteuvri pus profoundj'ment mon paiyis. **I aî poyu r'téchie** des pus nimbrouses aitaiches **daivô ces qu'étint d'moérè â paiyis**, pe âchi faie connaichance daivô les pus jeunes q'sont vniant s'installer à Genève, **c'ment qu'i l'fus dains les annès soichante**.

I profite d'vôs r'mèchiaie, vôs Dg'nevois, **pe d'moérants di coénat des Bâmes**, po vote aytyeuye.

I feus vote voisine dains les annès sèptante, en lai Grôsse – Pran, **pe i ai vul'pnie chchpendu in cobyè**, qu'péssait poi-d'tchus lai vie, **po feuni les coucous**, qu'aint grôté è rétropaie **lai mâjon laivou** qu'se trove mit'naint lai p'têts afaints.

Cirate, **I tîns è r'mèchiaie âchi** lai Vèlle de Dg'nève, qu'nôs permât d'se môtraie, grâce en son choutien, **pe lai romainde Yot'rie**, qu'é aiccèptè **d'édie ç'te mainifestâchion**.

In tot grôs mèchi en l'Offiche d'lai jurasssienne tuyture, **poi l'entremije d'son Diridgeou**, ci Chire Jean-Marc Voisard.

Mèchi âchi en ci Chire Jacques Ayer, Dirigeou di Mujèe des scienches pe di védg'tâ-scienchou tieutchi d'Poérreintru qu'é bèyé tot comptant son aiccoûe pô présentaie l'échpojichion CH'LAI PICHTÉ DES EPAIVURANTS YEZAIDGES â poyivayient poiye d'Ovriere Yunivèrchitè de Dg'nève.

In rébie p'ces d'L'aichôchiâchion des boutçhets di coénat des Bâmes, qu'aitcheuyant les jurassiens l'évoingnous, les jurassiens l'évoingnaints d'métie d'boûetche qu'nôs v'lant régâlaie d'gargoleints mèces, d'avô yo specialités jurassiennes.

I m'muse és dyndyaires, qu'nôs v'lant môtraie les d'rieres novâtès di dyinde jurassien l'échprit, en ces âchi d'lai pus traidichionnâ dyinde, pe en tus ces qu'in travaiily graichousement que fraint de ç'te fête âtche d'inrébyâbe !

MÈCHI EN TUS !

Poétchez-vôs bin !

Pe qu'lai FETE EC'MENCEUCHE !